

کتاب طبرستان

اون بش کونده بر نشر اولنور دینی . علمی مجموعه اسلامیه در

صاحب و مدیر مسئول

ابو العالین العابدین

تاریخ تأسیسی

۱۳۳۰

عدد : ۵ ۱۲ رجب سنه ۱۳۳۰ پنجشنبه ۱۴ حزیران ۱۳۲۸ برنجی جلد

[رساله ده مندرج مقاله لرك و بتون باز لرك حقوق . (حق تألیف قانونی) موجبنجه محفوظدر .]

تفسیر شریف انوار

۶۳ — وَإِذْ أَخَذْنَا مِيثَاقَكُمْ وَرَفَعْنَا فَوْقَكُمُ الطُّورَ خُذُوا مَا آتَيْنَاكُمْ بِقُوَّةٍ وَاذْكُرُوا مَا فِيهِ لَعَلَّكُمْ تَتَّقُونَ .

[جناب حق بنی اسرائیلہ قبلرنده هان همان یاس إقاع ایده جک انذارات ایله تعنیف و سرزنش ایتدکدن صکره آیت سابقه ده انلری رحمتنه امید وار ایتدی و بو امنیه نك حصولیچون ایمان صحیح ایله عمل صالحك بیننی جمع ایاك لازم اولدیغنی صورت عمومیه ده بیان بیوردی . بو آیت کریمه ایله زیرده کی آیتده دخی بعض وقائع ایله او وقائعدن طولانی بنی اسرائیل مستحق عقوبت اولمشار ایکن ظهور عقوبته رحمت الهیه نك حائل اولدیغنی تذکار اولنه رق شوایله بیوریلور : [درخاطر ایدك [ای بنی اسرائیل] که [موسایه اتباع و تورات ایله عمل ایتمکیز ایچون] سزدن عهد و میثاق آلدق و طوری اوستکیزه

رفع ایلدک [جبل طوری کویا ظله و سایبان ایش کبی اوزریکزه قالدیردق . بنی اسرائیل توراتده کی تکالیف شاقه بنی غیر کوره دک قبولندن ابا ایتمشله ایدی ؛ مشاهده آیات کونیه ابله ایمانلری قوت بولق ، حس و وجدانلری حرکت کک اوزره جبل طور بر سایبان کبی اوستارینه رفع اولندی . بونلر جبلک حرکتی کبی بر خارقه بنی مشاهده ایلدکلر نده اوزرلرینه دوشه جک ظن و ذهابیه خوف و تلاش ایدرک احکام توراتی قبول ایستدیلر . اوزمان طرف رب عزندن بیوردلی که [سزه ویردبکمز شیئی [یعنی کتابی] قوتله [جد و اجتهاد ابله] طوتک [اکا تمسک ایدک وجد و نشاط ابله عمل ایلدک . عزیمکز قرین ضعف و وهن اولسون] و بونده اولان شیلری ذکر ایلدک [احکام مندرجه سیله عمل ایدک و شوصورتله او احکامی حفظ ایدوب فراموش ایتمک ؛ چونکه علمی نفیسه ممکن ایستدیرن شی فعل و عملدر . امیر المؤمنین علی کرماء وجهه حضرتلرندن مرویدر که علم عمله ندا ایدر ، اگر عمل بوندایه اجابت ایدر سه فها ، ایتمزه علم رحلت ایلر دیمش . سببی : علم نفیسه ابهام و غموضدن سالم اولمیه رق بحالاً حصول بولور و فعل و عمل ابله ساحه وجوده کلنجه تفصیلی و جلی اولور ، صکره تکرار و مواظبت ابله علمک نظریسی بدیهی ضروری به انقلاب ایدر و بوندن ناشی علم آرق نفیسه ممکن ایلر ده عدم آباد نیسایه آتلاز [مأمولدر که اتقا ایدر سکز] توراته تمسک ابله احکامی اجرایه مواظبت ایستدیککمز حالده نفسکزی تقوی الهیه اعداد ایتمش اولور سکز ؛ زیرا کتابک ارشاد ایلدیکی احکام ابله عمله مواظبت نفسه مراقبه و ملاحظه الهیه ملکه سنی طبع ایدر ده نفس او ملکه ابله فقیه ، راضیه ، مرضیه اولور] .

۲۱ نجی آیت کریمه نک تفسیرنده طرف الهیدن اراد بیوریلان « لعل » کلمه سنک مدلولی و صورت ایرادی شرح و ایضاح ایدمش اولدیغندن بوراده تکرار ینه حاجت یوق .

۶۴ — ثُمَّ تَوَلَّيْتُمْ مِنْ بَعْدِ ذَلِكَ فَلَوْلَا فَضْلُ اللَّهِ عَلَيْكُمْ وَرَحْمَتُهُ لَكُنْتُمْ

مِنَ الْخَاسِرِينَ .

[آیت سابقه ده رفع طور کبی بر آیت کونیه واکا اتصال ایدن هدایت بنی اسرائیله تذکار اولمشیدی ؛ بوی آیت کریمه ده دخی جناب حق انلرک طاعتدن روی کردان اولدقلرینی

تحرکيه ايتدکدن صکره کندیلرينه فضل ورحتی ايله معامله ایلدیکنی ومستحق اولدقلری مؤاخذه وعقوبتدن عفو ایتدیکنی بیان ايله امتنان ایدیور و شویله بیوریور : [اندن صکره] عهد وميثاق الدفدن صکره [یوز چویردیکیز] عهد وپیمان ایتیشیکن اطاعتدن اعراض ایتدیکیز . اکر جناب حقک اوزریکیزه فضل ورحتی اولیه ایدی محقق خاسرلردن اولور ایدیکیز [سراطاعتدن روی کردان اولمکیزله مستحق عقاب اولمش ایدیکیز ، فقط بونک وقوعنه حضرت پروردکارک حقکیزده رایکان اولان فضل وکرمی لطف ورحتی حائل اولدی ، اکر بویله اولیه ایدی البته دوجار خسار اولوردیکیز . لین وعسل افاضه ایدن ارض مقدسه ده نمکندن بودنیاده محروم اولور ونشئه اخراده دخی سعادت ابدیه دن نصیبه دار اوله ماز ایدیکیز ، ایمدی جناب حقک فضل وکرمندندرکه بوعراضکیزدن صکره ینه عهد وپیمانکیز وجه ايله عمل ایتکه سزی موفق ایتدی] .



۶۵ — وَلَقَدْ عَلِمْتُمُ الَّذِينَ اعْتَدَوْا مِنْكُمْ فِي السَّبْتِ فَقُلْنَا لَهُمْ كُونُوا قِرَدَةً

خَاسِئِينَ .

[جناب حق بی اسرائیله هفته نک الی کوننده ایش ایشله می مباح وهفته نک برکوننده که یوم سبتدر انده ده ایش ایشله می کندیلرینه حرام ایتمش ایدی . جمعه ایرتسی کونلری اعمال دینیه به بذل جهد ایتلری انلره فرض اولمشیدی ، بوده انلرک قبلرلنده حسن دینی احیا ایتک وادخار حطام خصوصنده کی شره وحرصلرله دنیا به محبتلری ضعیفلشدیرمک حکمتنه مبتی ایدی . بونلردن برفرقه سبتده حدود الهی تجاوز ایلدیکندن مظهر عقوبت اولدی . ایشته بوواقعیه اشارت ايله بیوریوریور :] محقق بیوریورسکیز سزدن اوکیسه لری که انلر [یوم] سبتده [حدود الهی] تجاوز ایتدیلرده زده انلره ذلیل ومطرود مایعونلر اولک دینک [فرمان الهیمزه مخالفت ایلدکلری جهته انلره بویله اولک دینک درحال اوپله اولدیلر ، هاندم صورتلری او ذلیل ومنفور او سوریلوب قوغولان مایعونلرک صورته تحویل ایلدی ، سزجه ده بو قطعاً معلومدر] .



روایت کوره بونلر داود علیه السلام زماننده کنار بحرده بر قریده ساکن ایملر ، جناب حق کندیلرینی سبت کونلری صرف عبادتله مشغول اولماریچون صید ماهیدن منع بیورمش ایدی . بو حاله بناء سبت کونلری صیاد اولمادیغندن بالقر بونلرک بولندقلری ساحله کلورلر ایدی . بونلر حیلله تشبث ایله هم ظاهرده امرالهی به مخالفت ایتمامش اولق ، همده صید وشکارلرینی الدن قاچیرمامق ییچون کنار بحرده بیوک بیوک حوضلر حفر وانشا ایدوب طولاشیق مجرالره دکرزه وصل ایستدکدن صکره جمعه کیجهلری مجرالری اچرله سبت کونی حوضلره کیرن بالقلری بازار کونی صیدایدرلردی ویاخود جمعه کونلری آغلرینی دکرزه اتوب بازار کونلری چکرلردی . بو دیسیسهرینه مبنی جناب حقه انلری صورتلرینی مایمون صورتلرینه تحویل ایدرک کندیلرینی تذلیل ایلدی . دفعاتله ذکر ایلدیکی اوزره قرآن حکیم قصه لک مهم وعبرت آمیز جهتلرینه حصر نظر ایدرک ساممارک قلوب واذهانی اوقشایه جق بر طرز و بیان ایله جهات مذکورینی ایراد بیورور . بو قصه یه دخی بر معتاد او وجه ایله رمز و اشارت ایتمشدر ، نروده ونه زمان وقوعه کلش انی تعیین ایتمور ، چونکه مقصود اولان عبرت بوکبی جزئیات اموری تمیینه توقف ایتمز . مقصد : قوم یهودک ذات رسالتما ب افندمزه همیشه معاندلری اذا وجفالری شایان استغراب دکلدر ، بونلرک نیجه کره عصیان و طغیان ایتمش ، مظهر عفو اولمشلر ایکن عصیان و طغیانلری مزداد اولمش ، دفعاتله عهد و پیمان ویرمش اولدقلری حالده نقض عهد ایتمش ناقابل ارشاد آدملر اولدیغنی و بونلرک سیئات اعمالیه عواقب احوالی پیش نظر مطالعه یه قوندیغنی حالده جهت جهت عبرت الیه جق شیلر بولندیغنی افهامدر ؛ بوایه تفرعانی ایضاح ایلسکی ایجاب ایتمز ، کوکلری تهییج ایستیرن بر بیان بلیغ ایستر .

کلام مسخه : انلر حقیقه مسخ اولمشلردر ، یعنی صورتلری قرده صورته تحول ایتمشدر ، ظاهر قرآن بودر ، جمهور مفسرینده بوکا قائل اولمشلردر . بو تقدیره کوره «کونوا» امر تکلیف دکلدر ، زیرا انلرک کندی اعیانی قلب و تحویه قدرتلری یوقدر ؛ بو امر ایله مراد سرعت تکویندر ، انلرک اراده علیه وجه ایله درحال صورتلری قرده صورته منقلب اولدیغنی بیاندر . ابن جریر طبری نک روایتله نظر آ مجاهد رحمه الله بویه دیمش : انلرک صورتلری مسخ اولغدی ولیکن قلبلری مسخ ایلدی . [یعنی انلر لوازم انسانیتدن ، محیط کمال انسانیتدن خروج ایدوب بهیمیه التحاق ایستیلر] بناء علیه قروده یه

تشبیه اولندیلر ، نته کیم « مثل الذین حملوا التوراة ثم لم يحملوها کمثل الحمار يحمل اسفارا » قول شریفنده حاره تشبیه ایدلشلردر - انتهى . مسخ حقیقی ممکن اولمدیغنه حجتار اقامه ایدلش وجوابلری ده ویرلشدر ، تفصیلاتی آرزو ایدنلر تفسیر فخر رازی به مراجعت ایتسونلر .



۶۶ — فَجَعَلْنَاهَا نَكَالًا لِّمَا بَيْنَ يَدَيْهَا وَمَا خَلْفَهَا وَمَوْعِظَةً لِّلْمُتَّقِينَ .


بز او [مسخ عقوبتی] نی انلرک معاصرلرینه و خالفربنه نکال [و عبرت] و متقیلره موعظه [و تذکیر] قلدق [حدود الهی تجاوزدن توقی ایدنلره او عقوبت ایله فصیح و پند ایتدک] .

بو قصه دن عارف اولانلر ایچون اله حق حصه بودرکه کدشتکان امک احوالنه عطف نکاه عبرت ایدرک آداب دینیه ایله تهذیب نفس و اصلاح حال ایجتیانلرک و منعم حقیقی نک قدر احساننی بیلمیوب کفران ایله مقابله ایدنلرک عواقبی ذل و هوان اولدیغنی ، مرتبه انسانیتدن سقوط ایدوب کروه بهائمته التحاقدن عبارت بولندیغنی اکلامقدر .

زود مرغ سوی دانه فراز چون دکر مرغ بیند اندر بند
پند کبر از مصائب دکران تا نسکیرند دیکران ز تو پسند

سهری

برکت زاده اسماعیل حق



تصحیح

کچسکی نسخه نك ۱۰۱ نجی صحیفه نك اشاعی طرفندن او چنجی سطر نده قافک کدریله « قته ، دبه ضبط اولنه حق ایکن فتح قاف ایله حرکه نمشدر .

